



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis


**Meglinger, Joseph**

**[S.l.], Anno MDCLXXXIII.**

16. Decembris. 17. Cal. Januar.

**urn:nbn:de:hbz:466:1-45314**

452 ANNI CISTERCIENS.  
nus & à corde tollatur murmuratio,  
& in ore versetur gratiarum actio &  
vox laudis.



16. Decembris. 17. Cal. Januar.

*Obijt*

*anno*

1187.

*Sedit*

*mens. 1.*

*dies 27.*

*Recu-*

*perati-*

*onem*

*Palæ-*

*stine*

*promo*

*vet.*

BEatissime Pater, dignissime Petri  
Successor, GREGORI: inter Chri-  
sti Vicarios, qui hoc nomen sibi as-  
sumpsere VIII. Alberti nomen tibi  
Cisterciensis Ordo dederat, Alexander  
verò Antecessor Purpuram & munus  
Cancellarii: quo decedente, & sum-  
mam tiaram renuente Henrico, olim  
ex Abbate Clarævallis ad sacrum Car-  
dinalium collegium vocato, te vota  
Patrum Purpuratorum unanimi con-  
sensu Ferrariæ coronaverunt. Non-  
dum Roma erat pacata, & Jerosoly-  
mam Saraceni occupaverant. Tu ve-  
rò Avitæ Sedis recuperandæ curis se-  
positis, pro restituenda Christo hære-  
ditate sua totam Europam per emissâ  
diplomata, & Legatos ad arma con-  
tra Barbaros excitasti. Sed tam egre-  
gios conatus succidit, tunc verè im-  
mitis falx mortis, non integros duos  
menses tam grandi animo susceptis  
negotiis indulgens; quo tamen tem-  
pore vix horam ab expeditione rerum  
summarum



Summarum vacuum relinquens, consummatus in brevi, explevisti tempora multa. Integras viginti dies Ecclesia luctui impendit, quem nimirum <sup>Eius</sup> <sup>laudes.</sup> noverat ( ut scriptores insignes loquuntur ) sapientia singulari, & vitæ sinceritate conspicuum: virum apprimè facundum, sed vitæ sanctitate, animique integritate præclariorem, immò splendidissimum Christiani orbis <sup>Moritur ex dolore affl. Et Ecclesiæ Orientalis.</sup> lumen, sibi tam immaturè eripi. Nec desunt, qui Martyrii te laurea coronant, qui tuæ migrationi præsentestestantur, solum doctorem amissæ Jerusalem pro telo fuisse, quo cecideris. *Alloquor nunc te corde contrito & humili, Magne Pontifex, S. Ecclesiæ, cuius Caput fueras, verbis: Solve jubente Deo peccatorum meorum vincula: Esto Mediator meus, ad Mediatorem Jesum, ut cum plenaria Indulgentia ex hac vita ad æternam transeam.*

B. HUMBERTE, Sabaudix & Maurianæ Comes: qui cum ex repetito conjugio nullos tulisses liberos, ut DEUM scriberes saltem ex parte heredem, Monasterium Altæ Cumbæ à fundamentis crexisti, locum tibi paraturus, in quo relictis seculi curis solitaria pietati vacares. Inde tamen à subditis, te plusquam patrem amantibus,

Obijt  
 anno  
 1201.



456 ANNI CISTERCIENS.

tibus, ad tertias nuptias revocatus est. Qui postquam natum ex te successorem, læti aspexerunt, redeuntem ad umbram quietis monasticæ, non tamen sine lacrymis dimiserunt. Quod tempus quàm sanctè transegeris comprobavit sepulchrum tuum innumeris prodigijs gloriosum. Meritò excitat me tam constant tua inter seculi negotia pietas ad amolectendam in actionibus meis eandem regulam, ut unum hoc ubique respiciam, quæ ratione uni Deo gratæ fini, quæ vel sponte, vel jubente obedientia sunt agenda.

*Obijt* B. RAINARDE, Archicœnobii  
*hæc die* Cisterciensis Abbas, Generalis IV. Si-  
*anno* dus sacri Ordinis te meritò dixerim,  
*1150.* sed cui splendorem Sol ille Clara-  
*Dotes* valis BERNARDUS asperferit. Attu-  
*natura* listi ad ipsum ingentes naturæ dotes,  
 genus prænobile, raram corporis pro-  
 ceteri elegantiam, animum rerum sum-  
 marum capacem, eloquentiam singu-  
 larem conjunctam suavissimæ mo-  
*Gr. gra* rum comitati. His ille ornamentis pro-  
*na.* suo more, & in animos dominio, ea  
 gratiæ cœlestis munera adjunxit, ut il-  
 lud Evangelicum in te transferre pla-  
 nè potuerit: Hic est filius meus dile-  
 ctus, in quo mihi bene complacui. Il-  
 lo deinde Romæ negotiis Ecclesiæ in-  
 sidante,



sudante, tertius Cistercii Abbas S. Ste-  
 phanus successorem designaturus, ma-  
 lè electum widonem amoverat; &  
 invocato Mariæ auxilio, te per repe-  
 rita suffragia ad clavum universalium  
 Ordinis cum lætissima omnium gra-  
 tulatione admovit. Sed & cœlum ap-  
 plausisse huic promotioni Christianus  
 Eleemosynæ Convertus, cum à te Ci-  
 stercium accerferetur, in itinere vidit.  
 Patebant ejus oculis subinde cœlorum  
 intima, in quorum inferiori parte sta-  
 bat monachorum Cisterciensium hi-  
 lariter psallentium chorus: in superio-  
 re autem totidem Angelici choraulæ  
 alternatis vicibus respondebant. Illis  
 te in splendidissima luce Abbatis in-  
 star præsidere conspiciebat. Animo  
 nimirum ibi morabaris, ubi te nobile  
 illud consortium præstolabatur: &  
 Principes illi cœlestes te ut præsidem  
 venerabantur, qui Angelis terrestri-  
 bus tam felici innocentia præcras;  
 Fortasse lux illa quâ splendebas, te  
 præsentabat conservanda disciplina  
 zelum, quo accensus abbatem Alber-  
 niæ ob leves noxas, & quas excusare  
 necessitas poterat, amovisti; integro  
 tamen illi Conventui Cistercium pro-  
 peranti, ac pro suo Patre sinceritate  
 non minùs mansuetum ac benignum,  
 quam

*Inter  
 Ange-  
 los ap-  
 paret.*

*Eius  
 fervor.*



*Mori-  
tur  
prece-  
dente  
revela-  
tione.*

quam antè severum exhibuisti. Anno regiminis decimo septimo cùm Filius in Provincia Iustrares, morbo resolutus ad sedem illam tibi in Patria paratam evolasti. Eadem verò hora BERNARDUS in Claravalle cuidam fratri loquebatur: qui subito sinè ullo tamen tristitiæ signo turbatus: Dominus, inquit, Cisterciensis mortuus est. Cui quàm indoluerit, mox epistola ad Eugenium Pont. que ita agit: Dominus Cisterciensis deseruit nos, magna plaga in Ordine: mihi verò duplex incumbit mæroris ratio, qui in uno homine & Patrem amisi & filium. *Doce me ita psallere, ut semper meminere me stare in conspectu Angelorum & ipsius Divinæ Majestatis, ne me feriat horribilis illa comminatio: Oratio ejus fiat illi in peccatum.*

*Atten-  
tè psal-  
lendum*

S. BERNARDUS. ser. 25. de diversis. *Ingrediar in locum tabernaculi admirabilis, usque ad domum Dei? Ommino siquidem oportet nos orationis tempore curiam intrare cœlestem, illam utique curiam in qua rex regum stellato sedet solio, circumdat<sup>o</sup> innumerabili & ineffabili beatorum spirituum exercitu.*

17. De-